



Savjet gradonačelnika za lokalni ekonomski razvoj

Broj: 01/19

Tuzla, 07.03.2019. godine

IZVJEŠTAJ

o radu Savjeta gradonačelnika za lokalni ekonomski razvoj grada Tuzla za 2018. godinu

UVOD

Savjet gradonačelnika za lokalni ekonomski razvoj grada Tuzla (SLER) je savjetodavno tijelo formirano u cilju provođenja javno-privatnog dijaloga na području grada Tuzla. Prvi saziv SLER-a sastavljen od 24 člana formiran je Rješenjem Gradonačelnika grada Tuzla broj 02-05-5643 od 26.11.2015. godine, a drugi saziv Rješenjem Gradonačelnika Grada Tuzla broj 02-05-1329-2017 od 02.02.2017. godine. U drugom sazivu SLER je sastavljen od 44 člana, po principu participativnosti većinu članova čine predstavnici poslovnog sektora, a uključeni su i predstavnici relevantnih institucija i organizacija s područja grada Tuzla. Sastanci SLER-a održavaju se po potrebi, a najmanje četiri puta godišnje.

REDOVNE SJEDNICE I TEMATSKI SASTANCI SLER-a

U toku 2018. godine SLER je održao 2 (dvije) redovne sjednice i dva tematska sastanka, prema sljedećem rasporedu:

Prvi tematski sastanak održan je dana 16.10.2018. godine na kojem su, pored članova SLER-a, učestvovali i predstavnici Udruženja poslodavaca grada Tuzle te predstavnici nekoliko resornih službi Gradske uprave Tuzla. Sastanak je organiziran s ciljem razgovora o uslovima za poslovanje privrednih subjekata na području grada Tuzla i prilikama za saradnju između gradske uprave i poslodavaca, a odvijao se po sljedećem dnevnom redu:

1. Analiza visine administrativnih taksi, komunalnih naknada i taksi za građenje u Gradu Tuzli u odnosu na druge općine i gradove u BiH
2. Razmatranje mogućnosti za obročno plaćanje naknade za pogodnost lokacije (rente)
3. Razmatranje mogućnosti za prezoniranje gradskog građevinskog zemljišta u cilju pružanja olakšica privrednicima

Drugi tematski sastanak održan je dana 29.11.2018. godine na kojem su pored članova SLER-a, učestvovali predstavnici resornih službi Gradske uprave Tuzla. Sastanak je organiziran s ciljem razmatranja i usaglašavanja sektorskih ciljeva, programa i projekata odnosno nacрта revidirane Strategije razvoja grada Tuzla za period 2019-2021, a odvijao se po sljedećem dnevnom redu:

1. Predstavljanje sektorskih ciljeva i programa te projekata/mjera iz nacрта revidirane Strategije razvoja grada Tuzla za period 2019-2021
2. Prijedlozi i komentari članova Partnerstva
3. Donošenje zajedničkih prijedloga za korekcije i doradu nacрта revidirane Strategije

Redovna sjednica SLER-a održana je dana 05.12.2018. godine uz prisustvo 17. članova SLER-a, zatim predstavnika Službe za ekonomski razvoj i društvene djelatnosti te predstavnika Službe za prostorno uređenje i zaštitu okolice. Na sjednici je bilo riječi o sljedećim temama:

1. Rasprava o nacrtu Odluke o načinima i uslovima plaćanja naknade za pogodnost gradskog građevinskog zemljišta (renta)
2. Godišnji izvještaj o radu Savjeta gradonačelnika za lokalni ekonomski razvoj (SLER) grada Tuzla za 2017. godinu
3. Plan rada Savjeta gradonačelnika za lokalni ekonomski razvoj grada Tuzla za 2018. godinu
4. Informacija o realizaciji projekta Poslovna zona Kreka - Sjever
5. Predstavljanje inicijativa članova SLER-a
6. Informacija o realizaciji Programa raspodjele sredstava iz Budžeta Grada Tuzla namijenjenih za podršku privrednim subjektima na području grada Tuzla za 2018. godinu
7. Informacija o projektima Grada Tuzla realiziranim uz podršku međunarodnih organizacija (MEG, GOPA YEP, UNDP Dijaspore za razvoj, IFAD)
8. Informacija o realiziranim projektima podrške razvoja primarne poljoprivredne proizvodnje iz Budžeta Grada Tuzla za 2018. godinu

Druga redovna sjednica održana je 19.12.2018. godine uz prisustvo 17. članova SLER-a, zatim predstavnika Službe za ekonomski razvoj i društvene djelatnosti te predstavnika Odjeljenja za razvojno planiranje i upravljanje razvojem. Na sjednici su razmotrene sljedeće teme:

1. Godišnji izvještaj o radu Savjeta gradonačelnika za lokalni ekonomski razvoj (SLER) grada Tuzla za 2017. godinu
2. Prezentacija nacrtu revidirane Strategije razvoja grada Tuzla za period 2019-2021
3. Utvrđivanje sastava sektorskih radnih grupa SLER-a

UČEŠĆE U IZRADI STRATEŠKIH DOKUMENATA

Članovi Savjeta gradonačelnika za lokalni ekonomski razvoj članovi su Partnerstva za razvoj grada Tuzla koje je formirano u julu 2018. godine s ciljem učešća i doprinosa u procesu revizije Strategije razvoja grada Tuzla za period 2019-2021 godina. Održano je ukupno pet radnih sastanaka Partnerstva za razvoj tokom kojih su članovi SLER-a aktivno učestvovali u procesu evaluacije i revizije Strategije razvoja grada Tuzla za period 2019-2021 godina.

INICIJATIVE ZA UNAPRJEĐENJE POSLOVNOG OKRUŽENJA

Jedan od osnovnih ciljeva rada SLER-a je iniciranje pozitivnih promjena u poslovnom okruženju na području grada Tuzla. U tom pravcu članovi SLER-a, tokom redovnih sjednica i tematskih sastanaka u toku 2018. godine usvojili su sljedeće prijedloge, zaključke i inicijative:

1. Na tematskom sastanku organizovanom u saradnji sa Udruženjem poslodavaca grada Tuzla članovi SLER-a podržali su inicijativu poduzetnika s područja grada Tuzla u kojoj je, između ostalog, predloženo da se investitorima - pravnim licima omoguće povoljniji uslovi i načini plaćanja naknade za pogodnost građevinskog zemljišta (renta) koji bi se ogledali u mogućnosti plaćanja rente na rate. U skladu sa pomenutom inicijativom, Služba za prostorno uređenje i zaštitu okolice pripremila je Odluku o načinima i uslovima plaćanja naknade za pogodnost gradskog građevinskog zemljišta – renta koju je usvojilo Gradsko vijeće Tuzla na sjednici održanoj 30.01.2019. godine a objavljena je u Službenom glasniku grada Tuzla broj 1/19. Odlukom je predviđena mogućnost za uplatu rente na rate.
2. U cilju efikasnijeg djelovanja SLER-a predloženo je aktiviranje rada po sektorskim radnim grupama te reorganizacija radnih grupa koje su formirane tokom 2017. godine. Realizacija ove aktivnosti je u toku.

3. U cilju razmjene iskustava i mogućnosti za realizaciju zajedničkih projekata predloženo je da gradska uprava u narednom periodu organizuje susrete privrednika iz Tuzle sa privrednicima iz inostranstva.
4. U cilju efikasnije razmjene informacija predloženo da se tehnički i sadržajno unaprijedi WEB stranica Grada Tuzla (www.tuzla.ba) u dijelu koji se odnosi na SLER i poslovni sektor. Realizacija aktivnosti po ovoj inicijativi je u toku.
5. U cilju razvoja i jačanja poduzetničkog sektora predloženo je aktivnije djelovanje u smislu praćenja objava i apliciranja na sve dostupne fondove međunarodnih i domaćih organizacija i institucija. Članovi SLER-a predložili su da gradska uprava šalje poduzetnicima obavještenja o raspisanim javnim pozivima te da ih objavljuje na web stranici Grada Tuzla. Ove aktivnosti obavlja Služba za ekonomski razvoj i društvene djelatnosti i redovno obavještava sve zainteresovane subjekte o javnim pozivima i svim drugim događanjima koji mogu biti od interesa.
6. S obzirom da je iz Gradske uprave Tuzla najavljeno donošenje Odluke o zoniranju grada Tuzla sugerisano je da se u ovom procesu predvidi mogućnost za osiguravanje povoljnijih uslova za obračun rente poduzetnicima. Ova sugestija uvažena je pri donošenju Odluke o načinima i uslovima plaćanja naknade za pogodnost gradskog građevinskog zemljištva – renta.
7. Predloženo je da se iniciraju izmjene nastavnih planova i programa u srednjem i visokom obrazovanju na području TK u cilju prilagođavanja upisne politike i adekvatnog osposobljavanja kadrova u pogledu praktičnog rada prema potrebama tržišta rada.
8. U kontekstu prethodne inicijative predloženo je da se inicira provođenje profesionalne orijentacije učenika još u osnovnoj školi na način da se djeca kroz posjete određenih privrednih subjekta upoznaju sa zanimanjima među kojima su i deficitarna zanimanja
9. Da se u toku 2019. godine, ukoliko bude pripreman rebalans Budžeta Grada Tuzla, pokušaju povećati sredstva za podršku poljoprivrednoj proizvodnji
10. U cilju podsticanja zapošljavanja osjetljivih grupa inicirano je da članovi SLER-a utiču na poslodavce da se prijavljuju za podršku u okviru projekta „Zapošljavanje ranjivih kategorija“.
11. Da se u narednom periodu posveti više pažnje prezentaciji programa podrške poduzetnicima iz Budžeta Grada Tuzla putem medija.
12. U kontekstu izloženog problema firme Drampek doo Tuzla predloženo je da se razmotri mogućnost izmjene Prostornog plana grada Tuzla te da se u narednom periodu prilikom izmjene Prostornog plana o istom obavijeste svi vlasnici parcela na kojim su planirane izmjene kako bi na vrijeme mogli reagovati.
13. U pogledu izvještavanja o napretku u realizaciji revidirane Strategije razvoja grada Tuzla za period 2019-2021 godina inicirano je da se članovi SLER-a izvještavaju kvartalno.
14. Predloženo je da se pokrene inicijativa za izmjenu propisa u smislu povećanja broja i ovlaštenja komunalnih redara na području grada Tuzla.
15. Predstavница firme Progetty Bosnia Amira Ajdaslić Okanović predložila je da se u zimskom periodu više pažnje posveti održavanju i čišćenju puta prema Lipnici s obzirom da u je u Razvojno poduzetničkom centru Tuzla – Inkubator Lipnica smješten veliki broj poduzetnika, pa je pri većim snježnim padavinama otežan transporsrt, posebno teretnim vozilima a upitan je i prevoz radnika.

TABELARNI PREGLED
Usvojene inicijative, zaključci i prijedlozi SLER-a

R.br.	OPIS	NOSILAC AKTIVNOSTI	STATUS
1.	Omogućavanje investitorima - pravnim licima povoljnijih uslova i načina plaćanja naknade za pogodnost građevinskog zemljišta (renta) koji bi se ogledali u mogućnosti plaćanja rente na rate	Služba za prostorno uređenje i zaštitu okolice	Relizovano
2.	Aktiviranje rada po sektorskim radnim grupama i reorganizacija radnih grupa SLER-a	SLER	Realizovano
3.	Organizacija susreta privrednika iz Tuzle sa privrednicima iz inostranstva	Služba za ekonomski razvoj i društvene djelatnosti	Realizacija u toku
4.	Tehnički i sadržajno unaprijeđenje web stranice Grada Tuzla (www.tuzla.ba) u dijelu koji se odnosi na SLER i poslovni sektor	Služba za ekonomski razvoj i društvene djelatnosti	Realizacija u toku
5.	Obavješćavanje poduzetnika od strane gradske uprave Tuzla o raspisanim javnim pozivima za apliciranje na fondove domaćih i međunarodnih organizacija i objavljivanje istih na službenoj web stranici Grada Tuzle	Služba za ekonomski razvoj i društvene djelatnosti	Realizuje se kontinuirano
6.	Izmjene nastavnih planova i programa u srednjem i visokom obrazovanju na području TK u cilju prilagođavanja upisne politike i adekvatnog osposobljavanja kadrova u pogledu praktičnog rada prema potrebama tržišta rada	Resorno kantonalno ministarstvo	
7.	Provođenje profesionalne orijentacije učenika još u osnovnoj školi na način da se djeca kroz posjete određenih privrednih subjekta upoznaju sa zanimanjima među kojima su i deficitarna zanimanja	Resorno kantonalno ministarstvo	
8.	Povećanje sredstva za podršku poljoprivrednoj proizvodnji pri rebalansu Budžeta Grada Tuzle za 2019. godinu	Služba za ekonomski razvoj i društvene djelatnosti	Realizacija u toku
9.	Poticanje poslodavaca od strane članova SLER-a da se prijavljuju za podršku u okviru projekta „Zapošljavanje ranjivih kategorija“	SLER	Realizacija u toku
10.	Intenzivnija prezentacija programa podrške poduzetnicima iz Budžeta Grada Tuzla putem medija	Služba za ekonomski razvoj i društvene djelatnosti	Realizacija u toku
11.	Razmotranje mogućnosti izmjene Prostornog plana grada Tuzla u kontekstu izloženog problema preduzeća Drampek d.o.o. Tuzla te da se u narednom periodu prilikom izmjene Prostornog plana o istom obavijeste svi vlasnici parcela na kojim su planirane izmjene kako bi na vrijeme mogli reagovati	Služba za prostorno uređenje i zaštitu okolice	Realizacija u toku
12.	Izvješćavanje članova SLER-a o napretku u realizaciji revidirane Strategije razvoja grada Tuzla za period 2019-2021	Odjeljenje za razvojno planiranje i upravljanje razvojem	Realizacija u toku
13.	Izmjena propisa u smislu povećanja broja i ovlaštenja komunalnih redara na području grada Tuzla		Realizacija u toku
14.	Adekvatnije održavanje i čišćenju puta prema Lipnici u zimskim uslovima s obzirom da u je u RPC Tuzla – Inkubator Lipnica smješten veliki broj poduzetnika	Služba za komunalne poslove, izgradnju i poslove mjesnih zajednica	Realizovano

Priprema Izvještaja:
Tehnički sekretarijat SLER-a

Predsjednik SLER-a:
Nermin Čolić